

MUKANDA WAKAFUNDI***JAKOBA******Ambâatumela Moyo***

1 Jakoba, ukambi a Unyashungu la Khumadiondjo Jesu Kristu, Le wauhu dikumi la ahendi wakahandjo: Moyo.

Nyolombaki la Mbetawo

2 Anyami, nyali ongenongeno tshe lam'ayunytana wehu efula w'ehimba; 3 nyeyi nyati: Ehimbelu ka mbetawo kanyu katutungaka etetemu. 4 Etetemu aluwanya ulimu ato, dia nyu nduwana la nkukama, uku wane wahahumbi engo.

5 Naka omotshi ambuhumba yimba, ndi alombe Unyashungu, katushakâ antu tshe diango la lukahu, hâhangwela, ku ndi ayuwushayo. 6 Keli ndi alombe la mbetawo, aha la tamu, ne dia untu ladja tamu, eko uku sukuh di'ashi a wuki, diasukuyama la diasutshasutshama la loheledi. 7 Untu uku takanaki ati: Layulungula engo uma le Khumadiondjo; 8 untu uku eko la etema ehendi, atahahoka lu akambu andi tshe.

Wane Wukitshikitshi Wangenengene

9 Unyasu lukitshikitshi, angengene lam'ayuwuwumbiya, 10 ndu kanga ongonyi angengene lam'ükitskitshawo, ne dia ndi ayushisho uku dembo di'adiyu. 11 Ne dia unya atandaka la luhaladi la wulu, atolengiyaka adiyu, ku alelbo awo watokokaka la kete, dimena diawo diatushilaka. Osoku mbayuyala ndu kanga ongonyi lu akambu andi.

Ehimba Hawuyi Uma le Unyashungu

12 Untu lakikitala l'ehimba eko la otshoko, ne dia lam'ayunduleka ehimba wulu, ndi ayulungula dembo dia kusu dia lumu, diakalaki Khumadiondjo wane wûlanga. 13 Untu tataki lam'ayunduhimbama ati: Dimi lambuhimbama uma le Unyashungu, ne dia Unyashungu hahimbama la akambu wa kolo, ku ndi hahimbi untu. 14 Keli untu l'untu atuhimbamaka lam'akutwamandi ndu lam'ahimbamandi la saki kandi ndame ka kolo. 15 Ku saki kako, lam'atshoto diemi,

to kayuta kolo; ku kolo, lam'ulato, to kayuta nyoi.

16 Anyami wa ngandji, tanyudimbiyamaki. 17 Mboya tshe k'ololo la k'uluwanyi katuyakaka uma l'ulungu, katuhuloka uma le Shi yanyi, lahakadimo, leli pupu pundju. 18 Dia lulangu landi mbakandatutungi la diui diandi dia mete, dia shu ndjala elua wa ntundu wa ditungelu diandi tshe.

Nyuyali Atshi wa Diui, Aha Ambuki Atu

19 Anyami wa ngandji, nyeyi akambu ane. Keli untu tshe uki esadi, la ati okoke. Tukaki kele esadi, 20 ne dia kele k'antu heyi nkimanya ololo a Unyashungu. 21 Okone nyunya akambu wa sonyi la wa kolo tshe. Nyetawo diui diunewo l'etema anyu la memakan; dio mbeya nshimbela nyumu yanyu.

22 Keli nyuyali atshi wa diui, aha ambuki atu, watuyadimbiyaka. 23 Naka untu eko umbuki a diui, la haditshi, ndi eko uku untu lenda elundji kandi lu lulindu. 24 Ne dia lam'ayaendandi lu lulindu, ndi atumoka, kema edja ku ndi ambuhela didjidji diandi. 25 Keli lenda elembe w'ololo wa ndjadjasela, ndu latetemala loko, aha umbuki a diui ladiuhela, keli utshi a diui mbendi. Untu ako ayotshokwama lu etsha andi.

Otemwelo wa Pudipudi Ndu Waha la Vadi

26 Naka untu ambuyakana ati: Otemodi w'ololo mbendi, keli hashimbi lulimi landi, ndi ambuyadimbiya l'utema andi. Otemwelo andi eko anyanya. 27 Otemwelo weli pudipudi, waha la vadi lu ashu a Unyashungu Shesu, weko okone: ntsho dia ntenda ana wa tshiki la wadi waki edu lu asui awo, la dia untu ndjalama diaha ndi ndjala la akambu wa kolo wa la kete.

Nyukani Ngandji Kaha la Shonodi

2 Anyami, tanyukimelaki mbetawo ka Khumesu Jesu Kristu, Khumadiondjo ka lutumbu, kame la shonodi le antu. 2 Naka untu omotshi ayoto l'etemwelo kanyu udji

lohetu la paunyi lu luhita la olotshi ahondo w'ololo, ku ndu kanga wula lolotshi ahondo wa kolo ayoto; 3 lam'ayunyetawo untu lolotshi ahondo w'ololo nyati: Uyudjase lu dihuli di'ololo ne; ku lam'ayunyetela kanga wula nyati: Emala lene, kana udjase la tshina dia kihuna k'ekulu ami, 4 laso nyu kema la shonodi l'atei anyu uka? Nyu hanyuyala uku embadi weli la tukanyi to kolo? 5 Anyami wa ngandji, nyuhukami. Unyashungu konsonola akanga a weula la kete dia ndi mbangonya lu mbetawo, la dia vo ndjala ekito wa diulelu diakandalaki wane wülanga uka? 6 Keli nyu nyambonyola kanga wula. Akanga w'engonyi waha wane wanyahamela, ndu nyukutula lu dumbwelu uka? 7 Vo waha wane watenga lukumbu lone la kenemo lanyetawo uka?

8 Naka nyu nyambukitanya olembwe wuleki ekina wuki lu efundelu, ati: Ulangi unyaye uku ayalangaye, laso nyu nyambutsha ololo. 9 Naka nyu nyambuyala la shonodi le antu, nyu nyambutsha kolo, nyambamiamia uku andjaki w'elembe. 10 Untu tshe lakitanya elembwe tshe, lam'ayundutakana l'olembwe otoi, wayuwamia uku undjaki w'elembe tshe. 11 Ne dia one lakati ati: Tunanaki, kakati ndu ati: Tudiakaki. Okone naka we hunanyi, keli ambudiaka untu, we ambuyala undjaki w'elembe. 12 Okone nyutaki ndu nyutshaki uku antu wayulumbuyama lu elembwe wa ndjadasel. 13 Ne dia elumbwelu kaha la ketshi kayuyala le one lahukana ketshi; ketshi kambuleka elumbwelu wulu.

"Mbetawo Kaha la Etsha Mvokaka"

14 Anyami, waho akona weli le untu naka ndi ambuta ati: Dimi la mbetawo, keli ndi kema la etsha? Mbetawo keso kayeye mbushimbela? 15 Naka onengesu a pami kana kadiyesu eko utakataka, ndu la uhumba wa mbu ya nde la lushi la lushi, 16 lam'ayuwatela omotshi ati: Nyutshu la ki, nyutuki dja, nyutuluti mbu ya nde; keli ndi hawasha ehumba w'alimba awo, lendi eli waho na? 17 Osoku mbetawo kaha la etsha ambuyavwela.

18 Untu omotshi ayuta ati: We la mbetawo, dimi la etsha. Omenya mbetawo kaye kaha la etsha, ku dimi layukenya mbetawo kami la etsha ami. 19 We ambetawo wati: Unyashungu eko otoi; we ambutsha ololo. Ndu edienge mbatutawoka pupu — watitudimaka. 20 Keli we untu k'untu, we heyi wati: Mbetawo kaha la

etsha keli anyanya? 21 Tshesu Abarahama kunyindjama lu etsha andi lam'akandakimo on'andi Isaka l'ediakelu uka? 22 We menaka wati: Mbetawo kandi kakakimaniyama la etsha andi, ndu mbetawo kandi kakaluwanyema ne dia etsha andi. 23 Ku efundelu kakashidiyama ati: Abarahama aketawo Unyashungu. Wakawadiya mbetawo kandi uku ololo andi; wakaweti vati: Ongenyi a Unyashungu. 24 Okone nyu nyambena nyati: Untu nyindjamaka dia etsha andi, keli hayindjama dia mbetawo ketu. 25 Okone ndu Rahaba, kanga munanyi, kunyindjama pupu lu etsha andi lam'akandalungula akendji, ku akâtumi lu mbuka kekina? 26 Uku atuvokaka dimba diaha la lumu, okone ndu mbetawo kaha la etsha mvokaka.

Antu Washimbi Nimi: "Lulimi Leko Uku Shasi ya Dja"

3 Anyami, tanyuyalaki embetsha efula; nyeyi nyati: Shu tayuyala la elumbwelu kuleki wuki, 2 ne dia shu tshe tatutakanaka lu akambu efula. Naka untu hatakana lu diui diandi, keti ndi ambuluwana, ndi mbeyaka nshimba dimba diandi tshe. 3 Shu tatudjaka ashingu lu enyo wa falasa ne dia yo nkintanya diui diasu, okone tambusikisula alimba ayo tshe. 4 Nyendi ndu mashua w'ashi, kuyanga mbewo waki, vo watokendjakendjamaka la pepe ya wulu, keli watusikiswamaka la djenda ya tshitshe, uku alanga kanga djenda. 5 Okone ndu Lulimi leko leke la tshitshe la dimba, ku lo latosemaka lu akambu a waki. Nyendi uku atohetshamaka kunyi efula la shasi ya dja!

6 Lulimi leko uku dja. Lulimi leli utundu w'akambu wa kolo l'atei a beke di'alimba asu. Lo latulanyaaka dimba tshe, latohetshaka nyumu tshe la dja yakahetshama uma lu Luwinga la dja. 7 Ne dia wehu tshe wa nyama, la wa fudu, la wa diango diayakutula ndu wa diango dia l'ashi a wuki diatekiyamaka, ndu diakekiyama le antu, 8 keli nduku unto leya mbekiya lulimi! Lo leko engo ka kolo, katuhasahasaka, lambulula too la lolengo la nyoi. 9 La lulimi mbatutotemolaka Khumesu Shesu; la lo mbatutudjaka antu wakatungama lu efanelu ka Unyashungu mananu. 10 Diui di'otshoko la dia mananu diatutumbaka l'unyo otoi. Anyami, kema ololo akambu aso ndjala osoku. 11 Eteko k'ashi mbeyaka ntundja ashi w'ololo la ashi w'ululu lu ushu otoi kame uka? 12 Anyami, undi, utamba a fingu mbeyaka nto mbeli, kana okodi wa vinyo nto fingu? Okone ashi wa leho heyi

ntundja ashi w'ololo.

Yimba y'Uma Ulungu

13 Untu akona eli la ewu la yimba l'atei anyu? Ndi enya antu akambu andi w'ololo la etsha andi w'ololo la memakana ka yimba yandi. 14 Keli naka nyambuyala la kandjema la tamu l'etema anyu, tanyuyatumbulaki, tanyutaki kashi lu akambu weli mete. 15 Yimba nye kumpulo uma l'ulungu, keli yo yeko ya la kete, yeko ya dimba, yeko ya Uhimbanyi. 16 Ne dia lam'eli kandjema la tamu, laawo keli ufutana la akambu wa kolo tshe. 17 Keli yimba yakahulo uma l'ulungu, ntundu yeko pudipudi, l'okongo yeli ki, a memakana, la osengosengo. Yo yambulula too la ketshi la elua w'ololo, yaha la tamu, yaha la lukesu. 18 Elua w'akambu w'ololo wambunema lu ki le antu watuyangaka ki.

"Ongenyi w'Akambu wa la Kete Ambuyaete Utunyi a Unyashungu"

4 Lundju la ta l'atei antu, uma lendi uyewo na? Hawuyi uma lu okomiya anyu watolokaka l'etema anyu uka? 2 Nyu la saki ka diango diaha la nyu, nyu nyatudiakanaka, nyatokomiyaka diango diahanyeyi nkundja. Nyu nyatokotanaka, nyatoloka ta. Nyu nyaha la ema, ne dia nyu hanyolombe. 3 Nyu nyatolombaka, ku hanyulungula, ne dia nyu nyatolombaka olombalomba, dia nyu ndjangenyaningya. 4 Nyu akanga a munanyi, nyu hanyeyi nyati: Ongenyi w'akambu wa la kete eko utunyi a Unyashungu? Okone untu tshe lalanga ndjala ongenyi w'akambu wa la kete, ambuyaete utunyi a Unyashungu. 5 Nyu nkanaka nyati: Efundelu mvutaka utata uka? Nyuma katudjaseka l'etema asu, ntukumbulaka la kandjema? 6 Keli ndi atutushaka ngandji ka mamba ladiku dia ngandji ka mamba. Okone efundelu kambuta ati: Unyashungu atutunaka kanga utaku, keli atushaka one laykitshakitscha ngandji ka mamba. 7 Okone nyukitanyiaki aui wa Unyashungu. Nyosemaneli le uhimbanyi, ku ndi ayunyulawo. 8 Nyusukan le Unyashungu, ku ndi ayusukana le nyu. Nyu antu wa kolo, nyotsha anya anyu; nyedia etema anyu, nyu akanga w'etema ehendi. 9 Nyuyatshumuya, nyunyangi, nyuleli. Tola tanyu takadimo lunyangu, ongenongeno anyu akadimo okei. 10 Nyuyakitshakitscha lu ashu wa Khumadiondjo, ku ndi ayunyumbiya.

11 Anyasu, tanyosongwanelaki. One lasongwela unyandi kuyanga lalumbuya unyandi, ndi ambosongwela

elembe, ndu ambulumbuya elembe. Keli lam'ayyulumbuya elembe, ku we kema utshi w'elembe, we eko usambudi. 12 Otoi keli umbidji w'elembe la usambudi, ndi keli la wulu wa mamela la wa ndjaka. Keli we na, lalumbuya unyaye?

Nyutki Nyati: "Naka Khumadiondjo Alanga"

13 Nyu yi nyu wane watutaka nyati: Elo kana lui tayutsho l'usumba a wuhu one la wuhu one, tayutshikala leko eleku tshe, tayetetaka ukanda, tayukundja waho. 14 Keli nyu hanyeyi akambu wayuyala lui. Lumu lanyu leli na? Nyu nyeko uku lungi, lateneka etenyi ka tshitshe, ku latushishoka. 15 Dieli la nyu dia mvuta nyati: Naka Khumadiondjo alanga, tayuyala la lumu, ku tayutsha okone kana osoku. 16 Keli kakiane, nyu nyambutakula lu ndjatumbulu kanyu. Utaku one tshe, eko kolo. 17 Okone untu leya ntsha dikambu di'ololo, keli haditshi, dikambu dieko dieko kolo le ndi.

Ambewula Akanga w'Engonyi la Akanga a Ndjalanga

5 Keli nyu, akanga w'engonyi, nyu yi, nyuleli, nyawani, ne dia asui waya ka ndja le nyu! 2 Ekundji anyu wambohonda, ahondo anyu wambolema la tumumbu. 3 Paunyi yanyu la fesa yanyu yambahema alalu. Alalu ayo wayuyala uku omenyi a dikambo le nyu, wayole alimba anyu uku dja. Nyu nyambuyaumbela diango lu nshi nye y'ekumelu. 4 Nyulungi, difutu dia asi ulimu wakanyakambela dikambo dianyu diakanyakimela la lukesu, diambawana! Ndu alelu wa amunyi wa diango dianyu wambukuma l'atui wa Khumadiondjo Kanga lulimbilimbi. 5 Nyu nyakenaka olo la kete, nyakayangenyangenyaka; nyakalutsha etema anyu lu lushi l'ediakanelu. 6 Nyu nyakamia, nyakadiaki untu ololo, laki kunyolosha.

7 Anyasu, nyutetemali, edja ndu lam'ayuya Khumadiondjo. Enda, ukambi ekambo atukungelaka dinela di'ololo dia diango diakandune lu kete. Ndi atutetemala edja ndu lam'ayolo mvula ka ntundu la ka l'okongo. 8 Ndu nyu nyutetemali, nyushikike etema anyu, ne dia eyelu ka Khumadiondjo aya suki. 9 Anyasu, tanyungunangananelaki, ne dia nyu nyatukulumbuyama. Enda, Unumbushi ambemala lu asuku! 10 Anyasu, nyendi amvutshi wakataka diui lu lukumbu la Khumadiondjo, vo wayali djimbitel ya fono la ya etetemala. 11 Nyulungi, shu

JAKOBA

mvutaka dia antu wakayakikitsha shati: Weko la otshoko. Nyu nyakuki lukumu la etetemalu ka Jobo, nyakenyi ekumelu ka Khumadiondjo, ndu uku uludi Khumadiondjo la memakana la ketshi.

Nyewo Tshibelu

12 Anyasu, ladiku di'akambu tshe, tanyutshibaki ulungu, kana kete, kana etshibelu kekina. Keli elu kanyu, kayali elu; kema kanyu, kayali kema, ne dia nyatukuyala la dianyelu.

Akambu Watutumbaka Uma lu Dombelo

13 Untu eko la asui l'atei anyu? Ndi alombe. Untu eko la ongenongeno? Ndi imbi esambu. 14 Untu eko la hemo l'atei anyu? Ndi eti dikumanyi dia Ekelezia, vo wôlombele, wûkiti iso lu lukumbu la Khumadiondjo. 15 Dombelo dia mbetawo diayushimbela

kanga hemo, ku Khumadiondjo ayuwulula. Naka ndi akatshi kolo, kolo yandi yayudimanyema. 16 Okone nyushwaneli kolo yanyu, nyolombaneli Unyashungu, dia nyu nkono. Elombelo k'untu ololo mbeyaka ntsha akambu a waki. 17 Elidja aki untu uku shu; ndi akatetemala nomba Unyashungu, ati: Toloshaki mvula, ku mvula kondo la kete deku satu la ngondo shamalu. 18 Ndi akalombe ntu, ku ulungu akalosha mvula, kete yakatumbia tumbatumba.

“Ayushimbela Lumu l’untu Uma lu Nyoi”

19 Anyasu, naka untu l'atei anyu ambunganelu uma lu mbuka ka mete, la omotshi ayuwûngula; 20 ndi eyi ati: Untu layungula untu a kolo uma lu mbuka kakandanganela, ayushimbela lumu l'untu ako uma lu nyoi, ndu ayukumba efula k'akambu wa kolo.